

INUIT ATAQATIGIIT

INATSISARTUNI



UPA202/48
Majip 7-at 2024
Harald Bianco

Nunatsinni piniartut aalisartullu piniakkanut aalisakkanullu ilisimasaasa katarsorneqartalernissaat ilisimasaallu ilisimatusarnikkut atorneqarlutillu naliuersuutaasarnissaat siunertaralugu Pinngortitaleriffik pillugu inatsisartut inatsissaata nutarterneqarnissaannik Naalakkersuisut peqquneqassasut Inatsisartut aaliangiiffigisassaattut siunnersuussut. Inatsit nutartigaq UPA2025-mi saqqummiunneqassaaq.

(Inatsisartunut ilaasortaq Mikivsuk Thomassen, Inuit Ataqatigiit)

Qujanaq siunnersuuteqartumut Mikivsuk Thomassenimut Inuit Ataqatigiinneersumut, taamatullu Naalakkersuisut akissuteqaataannut qujanaq.

Siunnersuuteqartup aallaqqaasiinermini oqasii ilumoorneroqqissinnaanngillat, tassalu nunatsinni inuusaatsikkut ilisimasatta, kiisali ilitsoqqussarlugu kingornussatta inuiattut attatiinarnissasa inooriaatsitsinnut pingaaruteqaqqissaarnerat.

Qularutissaanngilluinnarpoq ilumoortuusoq; nunatsinni piniartut aalisartullu ukioq kaa-jallallugu piniarfimminttu aalisarfimminttu najuvuartut piffinni ilisimaqarnerpaajusutut oqaatigineqassappata. Taannaanarlunniit tunngavigissagaanni piniarfinni piniagassanik misissuinerni piniartut aalisartullu ilisimasaannik aaqqissuussamik katersiveqaler-nissamik siunnersuuteqartup anguniagaa pissusissamisoortoq Inuit Ataqatigiinit isuma-qarpugut.

Siunnersuuteqartup saqqummiussaatut, ilisimatuussutsikkut misissueriaatsi allanngoriarnerisigut inuusaatsikkut ilisimasat kingornussallu eqqumaffigineqaleriartorneran-nut siunnersuuteqartup anguniagaa tulluartuusoq oqaatigisariaqarsorinarpaq. Takornartaanngilaq ilisimatusartut sineriammi innuttaasunut ilisimatusaatiminnut tunngasunik apersuisarnerat. Siunnersuuteqartup siunertaatut ilisimsanik katersuiffeqalerala -rutta, ilisimatisartunut pissarsiassaaq annertussaaq.

Eqqaarusunnarpoq ilisimatusarnermut periusissiorikuugatta 2022–2030 ilaatigut mak-kunatigut anguniagaqarfiusumik: -*Ilisimatusarneq Kalaallit Nunaanni tunngaveqas-saaq*, -*Ilisimatusarneq piujuartitsisussamik inuaqatigiinnik ineriertortitsinermi taper-sersuissaq*, -*Ilisimatusarnermi angusat kikkunnit tamanit pissarsiariuminartuussap-put*, -*Ilisimatusarnermi suliniut nunat assigiinngitsut akornannisulli qaffasissuseqas-saaq*.

Taassuma aamma takutippaa, siunnersuut piffissami naleqquttumiittooq.

Piniartut aalisartullu ilisimasaannik katersisinnaaneq, ullutsinni atortorissaarutit pitsan-goriartuinnatut atorlugit annertusiartuinnarpoq. Ullutsinni sumunnaruttaluunniit qi-

INUIT ATAQATIGIIT

INATSISARTUNI



manngisaanagarput mobili tamakkununnga ilaavoq. Aamma APP-i atorlugu immiussanik assilisanillu katersuivimmik pileritsisinnaaneq periarfissat ilagiinnarpaat misissugas-saqqittoq. Siunertap iluatsinneratigut angusinnaasat pingaaruteqartut ilagissavaat, pi-niagassanik killilerukkanik pisassiisarnerup qularnanngitsumik amerliliisinaanermi tunngavissaqalerneq.

Piniartut aalisartullu piniakkanik ingammik kisitsinikkut peqataatinneqartalernissaannik inatsisitigut periarfissiineq piulernikuuvoq. Siunnersuuteqartup siunertaatut, tassa piniartut aalisartullu piniagassat tungaatigut ilisimasaannik katersuisalernissamik isuma inatisitigut piumasaqaataasumik siunertaqarneq Inuit Ataqatigiinit pitsaasutut isuma-qarfigaarpus, siuliani taakartukkavut tunngavigalugit.

Taamatut siunnersuumut Inuit Ataqatigiinit tapersiilluta, siunnersuut Ataatsimiititalia-mut susassaqartumut ingerlateqqipparput.

Qujanaq.